

倚

晴

樓

詩

餘

倚晴樓詩餘卷三

卷三

海鹽

黃燮清

韻甫

風蝶令

題丁香畫冊

粉點因風碎脂痕帶雨鮮泥人情態儘堪憐瘦到海棠  
時候子規天香意濃成暈春陰淡著煙玲瓏結子繫  
連環記得越羅衫底畫裙邊

踏莎行

題潘補之希甫春驛寄詩圖

旅篋封塵行囊檢韻新詩聊當平安信江南鶯燕解相  
思梅花莫說人消損風味煎茶光陰煮筍連宵歸夢  
無憑準天涯芳事忒怱怱淺吟微醉開除盡

阮郎歸

題金匏生探雪鴻樓圖

舊游無奈曉星稀殘牋別後詩夜窗孤負翦燈時月斜  
清夢非來草草去依依斷鴻知不知倚闌剛道莫相  
思柳花吹上衣

臺城路

立冬日霽青叔招集同人於小竹林園賞  
菊卽席賦贈

板橋曲對柴門影依依畫橈停住蟋蟀嘯完芙蓉病老  
秋事如煙過去蕭森院宇有野鶴迎人閒鷗作平主點  
醒微陰隔離紅葉繡霜譜竹林餘韻再見算疏狂小  
阮高會仍與塵柄生寒鷺杯泛暖還我晉時風趣清游  
俊侶正水閣花香殘燈催句醉過黃昏夜深還聽雨  
南浦從玉田本題岳餘山鴻慶開紅一舸圖

疏雨溼蟬衣繞池塘數里藕花開遍雙槳破煙痕垂楊

底畧有嫩風勾縮篷窗試啟冷香如夢浮清淺借得滄  
浪容一枕臥聽棹歌聲遠最憐那日西湖記招蝶盟  
鷗段家橋畔涼約美人尋花陰動秋在湘裙羅扇輕盈  
易別採芳空寄瑤琴怨輸與鴛鴦三十六長是水雲閒  
散

### 高陽臺

同人邀集長豐山館有序

煩暑既滌久晴更佳青山泥人白蘋招我淺醉排日  
薄游兼旬同懷可親良會靡間經宿之約不爽而集  
在客之景欲歸彌戀矧值賢主復占勝地家本市遠  
樓疑仙居殘荷繞門豔尙竟畝叢桂礙屋香能及鄰  
庭多雜花星綴秋色時見瘦蝶亦宜涼蛩若夫憑高

矚遐延曠挹秀落日銜嶺則羣峯流妍炊煙出城則  
遠樹斷碧雲氣繡於檐角塔影活於水底或動漁唱  
雜聞清歌鐘聲宕空斷續如夢絃語在遠抑揚其心  
斯則耳目所耽神志與適不自知其悠然而思曠然  
而動也夫一年之景惟秋最清一日之致至晚愈媚  
是以白露既下益慕高隱碧雲乍合如來美人我輩  
多情秋士善感觸物斯引倚聲乃歌

蓼補籬根蘋香鏡裏無風無雨汀洲商畧尋詩最難俊  
侶清游年來塵鬢浮名誤醉鄉中遲了封侯小勾畱只  
許看山不許悲秋 鑑湖乞假尋常事問何人招隱先  
訂閒鷗坐對蒼茫生憐高處多愁暮雲漸有催鐘意近

黃昏纔理歸舟，尙回頭且等斜陽紅過城樓。

滿庭芳

題曲阜孔繡山憲彝室人夢素女史百蝶圖遺卷

翅弱欹雲腰輕墮粉，畫來生趣天然。醉紅酣紫簾角弄  
翩跹。當日埽眉，賸墨閒摹寫香國愁天。屏山外春寒袖  
薄，人坐落花前。華年容易過，瓊釵斷燕，翠鬢凋蟬。歎  
鏡裏雙飛，彈指因緣。莫問羅浮舊侶，湘裙冷不解畱仙。  
西園晚，銷魂細草，綠化夢中煙。

減蘭

題潘惺齋同年鷗波館寫蘭圖

葉長釧動數朶參差，窺石縫微雨吹檐。墨氣花香共一  
簾。同心並蒂，小印鴛央，紅壓尾秋水池臺不放纖塵  
上紙來。

玉漏遲

福蓮室女史屬題秦淮校書斜倚薰籠圖

鬢髮雲半墮雀沈鈿翠鳳橫釵朶怯不勝寒又聽雁聲  
飛過冷煖無人熨貼但倦倚紗籠殘火眠未可愁簾病  
閣斷腸功課 埽眉才子多情也宛轉憐香自題珠唾  
女史自題喝火令詞有贍有星星餘火溫不到心頭之句若作書生還恐更癡於我  
欲訪桃根豔迹奈夢裏秦淮煙鎖深夜坐思量問伊知  
麼

齊天樂

題周蓮舫際唐斷雲硯

叩門客返端溪權攜來袖中雲氣種玉生煙跳珠灑潤  
組織文情幽細風回鏡裏認荷葉輕圓暑晴香膩點筆  
成霖出山心事定如此 竹田新翠欲滴正茶溫釀熟

波動簾子墨暈浮涼羅痕縐遠誰畫瀟湘秋意清泉乍  
洗現一髮遙峯斷霞魚尾薄醉吟詩睡龍應喚起

西湖月

題陳琴齋月船雙泛圖有序

山惟秋澄水以月浩縱我幽趣及茲良宵遠星離離  
活以波影清霧寂寂溼其花香攜扇追涼引酌就朗  
靜况逾晝中流不風矧乃玉簫應和瓊珮同照蘇婦  
斗酒藏以待游徐淑寶釵望而增秀野鶴起舞忽矯  
影於晶奩冷螢怯飛時暈碧於羅袂舟迴愈小波曠  
益明媚芙蓉於遠汀絮蟋蟀於近岸橋陰界淥乃轉  
裏湖鐘聲度山亦達後嶺萍滯艫重荷殘鏡空隄長  
蓄煙萬樹同翠境皓喻雪一樓獨紅雖曰人間終疑



天上矣夫林壑之致高人斯俾觴詠之歡名士所獨  
若乃琴瑟儷雅鴛央引爲同心環佩尋幽鷗鷺訝其  
罕見此則靜以成逸豔而仍清夫壻畫眉視京兆而  
加韻細君食肉笑曼倩之不文非仙其仙今夕何夕  
竊恐銀河縹渺玉宇高寒轉益黃姑之愁適增素女  
之妬耳斯時也雉堞沈影鼙鼓輟囂漁燈一星如照  
詩境塵夢萬枕不到畫圖是非解人焉識真樂叩舷  
能和倚聲請歌

珠簾影挂銀河看萬頃秋波照成冰雪嫩涼乍引釵紋  
露洗鬢絲煙織青山空翠遠認鏡裏眉痕新畫出試聽  
取三尺瓊簫定有鳳皇飛集 勾留十載西湖鎮獨自

疏狂霧鬢輕別玉尊同泛香絃偶語讓君高逸芙蓉都  
睡了笑薄夢游仙人未識但瞞過幾葉漁舟更誰知得

卜算子

魏塘面城園小憩

煙裊柳絲長風定簾波直一架茶蘼尙未花倒影池塘  
碧昨夜雨廉纖芳事愁狼藉水面輕萍載落紅春老  
游魚惜

憶舊游

上巳日霽青叔招同居修伯郁馥塘集小  
竹林園修禊

認霏桃巷曲拂柳池塘翠舫輕移仄徑蘼蕪綠正鶯聲  
遲客燕語催詩水雲自結閒契清夢不時宜願借枕游  
仙埽花供職刻竹畱題回思舊游處記九陌塵香一  
騎煙飛芳事金臺盛恁年年賦別紅雨沾衣美人太息

遲暮愁過牡丹期且倚醉徵歌東風院落聽畫眉

綺羅香 題家俯之紅雨吟窗畫冊

小院籠寒雕闌暈午人在花閒縹緲十樣蠻牋打疊閒  
情賦稿點露痕沈碧簾櫳寫風影吹香池沼冷和清吟  
一鈴微雨數聲鳥 長安芳事最盛爲問飄茵墮溷容  
顏誰好綠葉成陰強半浮名誤了漸孤負錦瑟華年且  
尋取素琴同調但詩成字字憐春落紅休去掃

齊天樂

偕研仙馥堦嘉善城南看菜花至南瞻庵

出城便與紅塵隔郊原乍開新霽遠碧浮天叢黃繡陌  
春在板橋煙寺花香數里正拂面輕寒紙鳶風細竹院  
逢僧石泉剛試煮茶水 清明容易過了愛光陰炊筍

誰證禪味野趣尋鷗清游侶蝶翻悔年年燕市田歌唱  
起笑布地金多太平歡喜路入微茫女牆斜照裏

水龍吟

題沈曉滄年丈炳垣月夜渡海卷

陣雲冷壓艨艟片帆如葉煙濤裏憂時感遇臨流慷慨  
素娥知未辦時方籌夷務潮打征袍雷轟戰鼓睡龍驚起但浩  
歌擊楫問天不語無人會蒼茫意將帥星辰有幾閃  
燐芒櫓槍猶指酒酣燭炮望空搔首壯心不已杜倚南  
天劍橫北斗男兒誰是待扶桑日出餘腥斷瘴借銀河  
洗

齊天樂

三月初十日舟過臨平

東風略改梅花影千枝萬枝疏朗碎欲飄煙輕如散雪

醒出遠村三兩谿雲暗長看點破微茫曉陰難釀認取  
前生謫仙名氏在天上沿隄高下一色算銀樽玉板  
宜譜清唱近樹籠青遙山勝綠越顯澹妝新樣無言自  
放軟碧落根苗道旁誰賞不是尋詩幾人停畫槳

前調

舟次阜亭

胭脂染出相思稿輕帆畫中畱住錦涇山屏綃明水檻  
紅得谿橋無路天生豔土倒萬斛流霞醉伊鷗鷺便是  
仙源不須重問舊漁父前裙時節過了鎮疏密密  
搖颺煙縷唾暈堪憐曉痕似別全仗輕陰調護春心自  
苦莫認作尋常妒花風雨有約重來美人休怨楚

減蘭

題張綠卿女史折枝蘭畫扇

煙羅倩影風約幽香詩味冷一葉無須碧玉天然韻有  
餘素心誰見瑟瑟瀟湘秋思遠酒醒鐙闌讀慣離騷  
不忍看

憶舊游

題鳳橋倚棹圖許大彥直振身為陳珊葆校書作

記船移六柱水點三篙問訊鷗波偷放尋春假泥珊裙  
醉豔寶扇微歌楚絃慣咽淒語離緒織愁校悵畫裏青  
山虛名白鵲未解填河蹉跎少年事怕晨奩夕鏡瘦  
減雙蛾我亦傷遲暮算黃金鑄恨兩處誰多彩雲散作  
零夢如翦斷秋羅便有約重來桃花易落人奈何

石湖仙

竹里玉芑亭索題槐花吟館圖用白石體賦之

丁谿煙樹指新翠沈沈搖漾書戶曾記五年前棹扁舟

桃源問渡

壬寅初夏出海警避居竹里與芭亭時相過從

一枝閒借每小憩綠

天庭宇銷暑警亂蟬幾點疏雨

當時陣雲照海睡醒

來猶聞戰鼓富貴南柯待覓封侯能否

叶讓與詩人醉

吟茶語自成仙府簾卷處斜陽淡襯花譜

夢橫塘

同人集家園陔南水榭消夏各以詩品爲題余得眠琴綠陰

帶風成韻過雨吹涼小園浮動春綠嬾枕游仙且覓取

詩人閒福塵外冰心夢中瑤佩一囊寒玉漸聲聞悟徹

醒倚斜陽尋秋水南華讀

吾廬秀色天然傍清流掩

映多種梧竹石翠蘿煙明畫出楚山屏幅問誰解瀟湘

恨素欲譜離騷未成曲最好無絃抱來三徑與蒼雲同

宿

倦尋芳

春日偕鐵士湘漁子健泛高士湖

畫橋路轉奩水波明新漲如許破曉東風吹起盪春情  
緒弱柳搓絲黃似月叢花疊影紅成霧倚孤篷載雙柑  
斗酒醉尋煙雨 恰好清明纔過一笑青山齊展眉  
嫵拾翠評香難得俊游閒侶燕子人家炊筍飯鷓鴣村  
店畱茶語儘風流又何須畫船簫鼓

浪淘沙

江口晚泊

暝色暈中流帆影初收斷霞魚尾一繩畱冷處尋詩誰  
是伴幾箇閒鷗 芳草滿江頭暫繫扁舟垂楊垂柳寫  
離愁今夜江南何處夢月上瓜洲

摸魚子

題琴齋西湖掌書圖



盪吟聲畫橋前後扁舟如在銀漢時艱不遂封侯志也  
算擁城南面聊自遣君莫悵廣文官冷投閒散愁眉暫  
展認幾點蒼山幾枝疏柳青到看書眼 篷窗靜小坐  
橫陳萬卷黃童慚未窺見鄉嬛福地畱清夢卻趁藕花  
風便簾半捲更補寫添香小影神仙眷鳴舷去緩正弟  
子攜尊漁郎問字相望暮雲遠

鳳皇臺上憶吹簫

題沈西鵠觀察清吳興郡齋坐  
月圖

翠竹籠煙蒼苔瑩露吹簫院落空明看碎螢避扇瘦蝶  
尋鐙細語嫦娥知得曾照見香誓釵盟團圓藥影鷗波眷  
屬認取前生 盈盈玉河漸轉偏組織西風吹散雙星  
怕五銖衣薄指冷瑤笙懊惱梧桐多事千萬葉總是秋

聲黃昏也思量舊歡耐盡殘更

憶舊游

題陳蓮汀鉞載書訪友圖時余將有贛州之行

看涼萍散鏡臥柳陰橋閒倚孤篷萬卷成書逸算古懷  
綿緲知己難逢所思路隔秋水門巷憶芙蓉借艫雁鳴  
寒溪鷗問訊舊約應通 愔愔悵遲暮認娉嬛福地翠  
莽煙重食盡神仙字歎前生脈望猶滯塵紅楚雲爲我  
招隱心素美人同待說與相思扁舟聽雨還聽風

燭影搖紅

南昌元夕

燈火江城翠屏紅照魚龍舞麝薰低裊繡輪風粉市香  
成霧草草鶯嘯燕語散珠塵幾聲漏鼓畫籠殘燭送了  
黃昏只應歸去 鈿閣釵簾故人明鏡傷幽素玉梅花

是去年栽開到相思處閒把闌干細數一根根無聊意  
緒夜寒停夢月靜重門星繁高樹

齊天樂

階藹如廉訪游螺墩和壁上全椒金氏題詞

木蘭艇子衝潮渡樓臺鏡中窺見佛座呈詩僧廬醉茗  
閒煞紅闌幽院珠簾試卷放一點西山翠穿籬眼落盡  
芙蓉畫橋流水付誰管風吹林下絮語認蘭皋佩影  
羅袂飄展倚竹成愁拈花惜笑未識人間離怨愁苔夢  
蘚但觸撥情懷舊時釵燕嬾去憑高碧雲天共遠

南浦

詠水仙和錢筱南茂才符祚韻

綺窗晴雪看天涯又漏一絲春略有冬心未褪還借獸  
鑪溫已是經年離別倩冰奩重照舊嗁痕悵銖衣寒峭

銀鐙夢淺無賴是黃昏 曾記元宵樓閣采明珠點染  
倚闌人卷起瀟湘簾子流水認前身忽忽芙蓉遠道望  
煙波江上總銷魂想輦粧驂影攜琴寫怨殘月下重門

祝英臺近

人日

酒杯疏吟侶減閒裏歲華度薄暮江城離思亂簫鼓問  
伊暗卜歸期畫樓鐙火已迎得紫姑來否 浪游處多  
少香霧珠塵徘徊甚情緒尋夢梅花黃昏又微雨也知  
漸近傷春春猶無幾幸七日悶懷過去

浪淘沙慢

早春偕錢筱南登滕王閣

看江上驚濤練卷萬里寒色興廢都成往劫登臨況是  
倦客恨水遠山遙鄉樹隔帶落照點點帆檣共亂鴉飛

去漸如墨天在浪中白 望極悶懷未許消釋算今古  
兒女英雄恨併作潮和汐但霧沈香夢煙埋陳迹問誰  
不朽歌舞場幾輩才人游歷高處有浮雲千疊蛟龍氣  
撫劍歎息倚殘醉蒼茫自岸幘倩熱淚飄灑誰邊付玉  
笛西風吹向寥空滴

東風第一枝

立春

雪霽鐙前寒銷笛裏怱怱忽換時序蕙心易長愁根柳  
枝更添恨緒凭高極目問不出春來何處看大江暖翠  
浮空漸活萬山煙樹 前歲約採芳俊侶今歲作浪游  
倦旅豔辰偏在天涯舊盟又辜繡戶芳華如水怕悶損  
玉臺情素便畫船歸趁東風已是綠陰飛絮

法曲獻仙音

題管夫人畫大士像

鷗去亭荒雁來江冷畫筆猶畱千古寫竹光陰散花身  
世愁根懣除能否叶待稽首慈雲裏東風謾飛絮忍  
回數換滄桑夢塵殘劫何況是春水影中兒女一曲念  
家山悔當時生向東土玉鏡非臺問蓮花莊在何處願  
心經持誦修到雪衣鸚鵡圖有手書心經

減蘭

隔院聞絃管聲

舞紅歌翠酒座尋常拚一醉醉也膏騰不解傷心不會  
聽錦稊春豔簾外梅花偏冷澹花是愁根生怕重銷  
笛裏魂

淡黃柳

夢隄柳數株絲絲欲綠如在冥濛煙水邊  
也用白石韻寫之

空濛寫影鵝粉飄芳陌金縷初裁風惻惻掩映誰家繡  
檻前度流鶯定能識嫩陰寂江南未寒食鎖煙雨謝  
孃宅甚離魂化作銷魂色料得蛾眉怕因春瘦先畫樓  
臺怨碧

浪淘沙

鳴鶯路訪南唐御道

柳外舊鳴珂豔跡消磨家山遊戲換笙歌斷送南朝煙  
月裏天子愁多輦道更誰過山影顰蛾夢中亭子問  
紅羅落盡梅花人不管無奈春何

暗香

憶西園植梅用石帚韻調

凍煙暝色補小樓畫本一枝長笛夜靜月寒天付幽香  
美人摘如此溪山最好偏耽誤詞牋吟筆便算有驛使

攜來離恨落琴席 鄉國路寂寂怕細數夢痕翠蘚堆  
積鳳箏暗泣倚竹娟娟忍追憶江上歸期未準應望斷  
瀟湘愁碧問點點清淚影可能寄得

探春慢

憶梅有序

吾邑北郭外居民樹梅爲業者數百家春初作花一  
白無際去歲偕湘漁子健二梅衡山少山諸子聯袂  
縱步與花俱遠歸路憩竹籬茅舍閒看落日一點爛  
若琥珀從萬玉叢中冉冉而下尤畫所不到也竭來  
江右又屆花期未識故園諸子曾續前游否感序懷  
人倚絃成調

村與雲深路隨香遠閒鷗三兩尋到暗水通橋疏篁陰



屋世外人家春早籬落橫琴坐乍驚起空山幽鳥醉看  
萬玉成煙一輪紅襯殘照何事天涯倦旅偏歲暮未  
歸信音繚緲月裏元宵雪前人日孤負舊游懷抱愁聽  
江城簫總簫弄相思清曉一度花期恩恩還又過了

水調歌頭

春雨次韻奉酬錢筱南茂才符祚寄詞見憶

江上雨成例二月少晴時柳枝東面風緊千縷總飄西  
不見夢中芳草但見鏡中新漲寒重燕歸遲淡墨寫離  
怨還帶淚痕題寂寥况惟有我素心知綠珠穿作紅  
豆相慰在天涯早是梅花開過又是杏花消損莫誤海  
棠期待約看山去依舊翠眉低

玉漏遲

文粹庵明府英招同如冠九宮贊山錢筱南茂才符祚集東湖客舍湖隄夜歸

碧雲籠院宇提壺喚起天涯鷗鷺水閣煙亭雅稱俊游  
尊俎一月春陰未醒早耽誤芳華如許閒意緒催成薄  
醉坐銷香炷殘鐙送客湖邊繞曲折長隄夜深歸路  
垂柳絲絲錯認曉寒離浦似恐相思忘了寫澹月疏  
星微雨愁聽取三更四更更鼓

鳳皇臺上憶吹簫

寫韻軒

滴露融珠吹香暈研寫來錦字爭傳笑碧山偕隱猶待  
金錢貧是書生常例無別恨除是神仙誰修到紅塵豔  
果紫極情天翻迴佩聲去杳千里外秦雲想像嬋娟  
賸蠹餘殘墨尙照人間應歎尋常兒女輕耽誤一晌因  
緣春歸也王孫未歸芳草經年

八聲甘州

借粹庵桃花

後南雨田由南浦泛舟江上看

泛沙棠艇子載閒鷗來尋異鄉春看長江似醋東風如  
酒漸醉離人誰染胭脂萬樹襯醒遠山痕不在天涯看  
已是銷魂 休說畫樓人面便露根煙葉盡種愁因記  
流鶯門巷花影織成雲好天台嬋娟輕別歎阮郎猶未  
厭紅塵清明近又歸期誤了事事因循

看花回

登西竺庵僧樓望江上春色用清真韻

畫樓三面空曠練淨沙潔萬樹媚紅怨碧帶縷縷情絲  
閒處縈結鶯程燕路薄暝生烟芳草滑看落照碎作黃  
昏亂山蒸翠雨初絕 纔過了元宵一月漸逼近春分  
時節一半韶光送卻早一半離愁做弄華髮憑高望遠

心與江流應九折怕垂楊又飛絮重賦天涯別

一叢花

同人游皇覺寺時山茶盛開老僧瀹茗餉客詞以賞之

臨江蕭寺夕陽中垂柳艤孤篷幽廊細徑無人到透春  
信偏有東風天女散成維摩拈出色相總難空 華嚴  
七寶鬘瓊瓏噴作杜鵑紅茶煙未許禪心定又堆起錦  
帳珠叢巾上唾痕衫邊曉暈應與此花同

蘇幕遮

由皇覺寺至西竺庵

夕陽橋芳草浦十里江村九里成煙雨認是西湖隄上  
去處處畱人處處畱鶯住 送征帆吹恨緒衣繡相思  
萬疊黃金縷

夾道新柳數百株

今日輕陰明日絮添了殘紅便

算春歸路

長亭怨慢

將之皖江和筱南見贈韻

恁相見恩恩如許柳未成絲已飄離緒夢與春分被風  
吹散甚時聚酒闌人別依舊向天涯路杜宇盡情唬又  
不是輕帆歸去誰賦賦銷魂第一只有送君南浦支  
篷望遠更添上暝煙疏雨看暮色漸入空江作去兩地  
黃昏淒楚算此後相思應與幽蘭同語時以鰲  
蘭贈別

卜算子

由南昌至安慶江行雜詠

涇翠滿西山春水生南浦樓閣何曾管別離人自恩恩  
去暮色暝高城回首成煙雨惟有帆檣不解愁只等  
風吹渡

寒重鴈鵠天春老蘼蕪國一口思家是幾回早晚潮和

汐 且作少文游高臥  
篷窗寂萬樹垂楊夢  
裏過懶看  
傷心碧

樹隔豫章深天合鄱陽淨  
水鳥明啞作櫓聲飛入蒼煙  
暝 暑放嫩陰開微見斜陽醒  
遠浦輕帆似淚痕細點  
冰奩影

塔影指南康繞郭煙薺潤  
一段紅牆是郡樓萬綠濛濛  
襯 人在畫屏風路展新詩本  
但抱廬山曲折行何必  
煙帆順

日落大姑山春滿女兒港  
酒醒微聞壘鼓聲斷續吳姬  
唱 遠樹翦牛毛古岸排烏榜  
萬點明珠水底紅煙市  
鐙初上

家遠夢難成漏靜鐙無語一夜瀟瀟淅淅聲五老峯前  
雨霽影盪澄鮮山翠開眉宇春色三分已二分綠滿  
潯陽樹

齊天樂 帆影

輕帆最是無情物年年送人天末暈入寒煙低搖細雨  
點逗青山殘雪浮空萬葉看垂似天紳摺成湘簾水響  
菰蒲柳梢飛過片雲活扁舟浪游倦矣算乘風素志  
猶未休歇檣遠鍼織繩橫綫亂穿得離腸千結河梁賦  
別但挂起斜陽暮愁重疊暝宿荒郵帶來江上月

前調 桅燈

亂檣叢立迴塘靜輕懸碎珠千顆笛步潮生瓜洲月上

浪闊天高星大船頭露坐訝列炬然犀燄騰江左睡醒  
驪龍水中還認夜光墮 笙歌舊時院落閃金支寶蓋  
花影雲破淚漬銀盤心焦畫燭換了篷窗鎗火蓮垂萬  
朶散點點寒芒照人愁臥翦蠟西窗夜深應夢我

前調 蘆花

枝枝葉葉蕭蕭響荒汀暮寒時候映水成雲迎風化雪  
色相似空還有萍蹤浪走問飛渡煙潮折來能否未了  
塵根埽花畱做美人帚 蘼葭霜信漸老看搓晴弄雨  
搖漾千畝蛺蝶秋魂琵琶夜淚月滿潯陽江口相逢病  
柳算舞絮光陰一般消瘦送盡離船雁歸人去後

前調 紅葉



胭脂點染天涯樹迷離變成朱紫雁背霜痕雅邊霽色  
寫出平林蕭寺篷窗醉倚指流水空山落霞飛起駐得  
丹顏此中應有赤松子憑高還更極目望江城似畫  
秋豔如此錦疊華年緋榮晚節爛熳乾坤生氣春紅未  
抵笑不耐西風世間桃李照醒荒寒夕陽天萬里

前調 鷺

一行低傍漁舟下汀洲倦依芳杜遠渚棲煙平蕪綴雪  
點破昏昏寒雨清流照取問白水初心向誰同語不著  
纖塵鏡中憐惜舊毛羽疏林明月瑣碎想圍開寄涉  
秋滿庭樹上皖江泉署寄涉園夏秋時江上鷺集其樹望若積雪海上鷗盟江頭  
鯉信無限相思情素西風喚侶正翹足亭亭暮雲延伫

添了芙蓉便成新畫譜

前調鵲

颼颼萬翅連雲起寒聲半空圍繞禿樹荒村斜陽古寺  
唬得江南秋老蕭疏畫稿趁黃葉零星有時飛了遠影  
依微數行吹入暮天小客窗易驚歲晚正鄉心繚亂  
閒數歸鳥接翼繩行棲枝墨點冷話西風林表霜華信  
早問前度昭陽帶愁多少喚醒殘更月斜鐘又曉

倚晴樓詩餘卷三終

錢塘宗景藩子城校梓

倚晴樓詩餘

卷四

海鹽

黃變清

韻甫

高陽臺

題俞少軒承德色絲感夢圖少軒客京都一夕夢其室人授以黃絲尋有騎省之戚

因作是圖

獨枕繚愁離絃絮恨天涯酒醒鐙昏惜別經秋玉臺明  
鏡生塵紅蠟吐盡黃金縷化羅浮蛺蝶仙裙一絲絲牛  
是回文半是嘯痕纏絲無限相思意認中郎隱語倩  
女癡魂九山明珠也應穿透情根錦機織冷鴛鴦字甚  
銀河隔斷天孫最傷心水樣流年月樣前身

淒涼犯

壬子中秋陳實庵太史招集寓齋倚此調見示繼聲和之

虛庭露沐黃昏也銀雲一片空闊有情伴侶無聊境界

奈何時節紅塵浸雪看天上高寒鳳闕算神仙清愁未  
免我輩况凡骨 酒醒聞蛩語燭院星稀漏壺冰澈團  
圓最好甚浮名賺人離別繡戶今宵怕愁與鐙華漸結  
過三更欲睡未忍共此月

前調

秋暮登陶然亭

霜痕乍警西風起高城盡帶寒色采蓉路渺思莼夢阻  
最傷游歷浮沈浪迹問燕市屠沽信息歎荒臺黃金寂  
寞熱淚向誰滴 無計舒懷抱借酒看山爲花移屐登  
臨念遠望佳人暮雲天碧欲諱離愁奈青鬢絲絲露白  
羨南飛落照萬里雁影直

醉太平

寶庵以明榭溪降此詞見示和韻

風寒畫廊月斜畫梁不多幾處唳蟻使離人夜長 詩  
兒數章書兒數行相思消遣昏黃寫羅紉寄將

夢橫塘

聽歌者蝶雲演四絃秋送客一劇

黛眉顰翠玉指絃冰少年心事愁憶感遇悲秋借四柱  
流泉幽抑酒暈難留夢痕無據可憐今昔看登場掩袂  
忽忽心傷傷心處誰知得 風塵我亦天涯歎韶華易  
換素鬢催織信美嬋娟空點染楚詞顏色但秋水江湖  
照影芳草年年寄蘭澤九派潯陽淚珠多少到今朝猶  
滴

八歸

題周鐵崖孝廉士綱藕湖泛月圖

池塘過雨林陰催晚流水數里縐玉扁舟一葉秋俱遠

搖曳柳枝疏影竹枝新曲冰鏡無塵留客住待野鷺閒  
鷗同宿看極浦幾點漁燈伴夜靜人獨 曾記垂虹泛  
櫂紅兒低唱細和參差橫竹紫雲前度碧雲今夕舊夢  
游仙重續望天高露迴樹杪煙鬟洞庭綠藕湖可望  
洞庭山清涼界醉醒都好戲采荷珠歸來衣袖馥

燭影搖紅

借寶庵憩梅卿畫蘭室燈下賦菊

曲巷黃昏暗塵低襯雕輪轉疏簾小院正西風霜氣催  
新雁倚壁銀缸乍剪畫秋痕露濃香淺小窗月上若聘  
幽蘭天然仙眷昔人謂梅花宜聘海棠子謂  
菊花香潔當以幽蘭儷之九陌煙花豔桃穠李爭尋徧憐伊高格不宜時淡處知誰見尙  
有詞人醉眼但相對無言自遠願畱殘墨添注寒泉寫

成長卷

梅卿工寫生尤善蘭菊

花自落

張海門太史金鏞屬題其室人錢杜香女史畫梅遺墨

春消息付與畫眉殘墨一兩三枝煙寂寂暗香留素壁  
帳裏蕪蕪難覓夢裏羅浮空憶萼綠華來無竟夕月  
斜何處笛

憶舊游

題葉潤臣侍讀名澧客舟聽雨圖

問秋來何處向晚陰陰入夜瀟瀟已苦難消領况離筵  
酒醒獨枕心焦故人送我千里情夢碎寒潮歎綺閣挑  
鐙篷窗擁被各自無聊 蘭橈繫荒渡念歲歲江湖蓬  
泛萍飄一掬相思淚化明珠零亂灑向蘅臯畫圖未忍  
重看嘗慣可憐宵待共語羈愁蘊華萬疊飛雁高



琵琶仙

題謝夢漁太史增香南憶夢圖太史初以貧故遺其愛姬已而及第因作長圖以誌

感悔

楊柳章臺早香絮落盡游絲空結庭院誰伴吹簫黃昏  
奈何月春去也珠簾似霧便釵影釧聲都滅灼淚難封  
蠻腰易減鸚鵡休說恨當日恩促分攜到事後思量  
更淒絕難諱那時薄平倖對殘鐙嗚咽何處采蘼蕪怨  
綠問斷紅願化蝴蝶畢竟世短情長未能成佛

摸魚子

暮春之初張仲甫中翰應昌邀集湖上次張韻梅茂才佳誠見贈韻

過清明一番輕暝新黃都在垂柳東風細逐平蕪遠吹  
送釧車羅袖春似繡都付與才人滴粉搓酥手緋桃謝  
否乍急雨跳珠飛花溼錦幽澗玉琴奏午後小雨江南望

空自登臨念舊沈酣聊學犀首新亭無限河山淚遣恨  
暫銷杯酒鶯燕瘦悵六代瓊枝又到飄零後閒鷗夢久  
待笛譜同修漁篷穩坐塵事且緘口

陌上花

水仙王祠茗憩

尋芳倦也攜船還到畫中祠宇霧閣煙屏合付華山神

女入門兩樹銀龍活鱗甲尙含殘雨

祠內白皮松二株偃臥石上百年

物也向迴廊細繞疏篁叢蝶盡成幽趣

指山光漾水簾

漪半卷葉葉新荷堪數一榻茶煙靜對落花無語十年

未破閒煩惱難定東風飛絮願蒲團借我焚香聽法鏡

塵休汗

甲辰之秋與內子泛湖小憩水仙祠秦尼煮菰餉客時壁間懸有破煩惱戒生歡喜心聯語內

子問煩惱若何破法尼言我心如鏡物來便有物去便空何由著得煩惱煩惱本無因境有總由畱戀黏滯而

今日不言  
起如今日客來我  
便歡喜明日客  
去再不思量這  
便是破煩惱法

倦尋芳

偕儉才湘漁游湖上竹素園

絳扉半掩紅板斜欹深院人靜碎玉鳴琴暗水自流花  
徑紫藤開緋桃謝闌珊芳事無多賸奈何春問歸來燕  
子可能重省記那日平臺飲淥繡幕圍香何限風景  
樹底闌干時有步塵鬟影羅袂已隨蝴蝶化畫廊忍得  
薜蘿冷罷登臨漸消磨少年游興

採芳訊

曩與儉才薇客置酒朱彥甫孝廉長豐山  
館今一星周矣彥甫薇客先後下世重游

感舊

放船好正水泛新萍煙薰細草認那時樓閣垂楊又青  
了悄悄小院春如醉花氣籠清曉甚東風簸豔吹香作

去成愁抱 重省舊池沼記前度吟秋俊游都老滿地  
殘紅苔逕更誰埽湖山尙有閒鷗鷺無事還尋到最銷  
魂一曲流鶯樹杪

換巢鸞鳳

杭城之東有臯園爲世家別業亭榭半  
蕪故人曹葛民賃居其中暇日與儉才  
湘漁過訪感賦次梅溪韻

燕病鶯嬌看煙橫廢逕水漫危橋不聞金谷宴已斷玉  
人簫垂楊何苦弄纖腰舊時舞衣餘香暗銷繁華影試  
問取斷垣殘照 風悄雲縹緲來訪故人聊訴閒懷抱  
冷處追歡夢中尋悟生意一庭幽草絃管東山幾何時  
蔓藤花發詩天老紅闌干讓書生醉倚昏曉

埽花游

羅鏡泉以智瓊臺夢月圖次原韻

紫鸞夜起載一縷詩魂碧雲題款五銖露染趁天風縹  
緲軟紅塵斷上界清虛路與秋煙共遠赤城畔自劉阮  
下山雞犬都換瓊筵誰更勸向霧閣霞窗美人尋徧  
紺桃笑淺笑惺忪蛺蝶翅雲飛倦古徑春幽賴有寒簷  
作伴踏歌緩小游仙轂伊畱戀

惜餘春慢

周子因遠客江右感時惜別愴觸於懷

絮撲征衫鐙煎離緒客與殘春同遠思君夢枕送子煙  
波難化渡江雲片還念干戈未休狎水淩波健兒驕悍  
便琵琶行酒憂時傷遇淚襟難浣曾記我蘭澤尋盟  
桐廬攜棹一路青山看遍銀缸聽雨玉軫哀秋苦味那  
回經慣誰信前游後游滕閣斜陽亂離曾見歎茫茫塵

劫不堪重省戰場詞卷予前客江右值重建滕王閣落成與宛平錢小南各賦浪淘沙慢一闕韻坡徐君書稿勒石頃被兵火度烏有矣

摸魚子

滋伯仲甫綱士韻梅用稼軒韻作送春詞先後郵寄次韻繼聲

又怱怱杜鵑啼老芳華如水過去卷簾更覓媽紅影減了幾叢花數畱不住畱一片濛濛煙草銷魂路愁箋恨語但打疊相思隨風宕漾碎作兩隄絮 蹉跎感生小多情自誤嬋娟容易招妒朱顏漸逐流年換除是鏡臺堪訴垂柳舞歎失寵蛾眉雖好同塵土離懷最苦倩落日消停亂山圍裏或有夢尋處

玲瓏四犯

題慈暉館女史橫琴坐月遺照用夢窗體

庭院空明正露浥銖衣涼浸紋薦水調煙情難寄楚雲

天遠幽夢不到人間但付與絳河清淺恁畫樓一霎西

風愁入數行新雁玉簫虛憶瓊花館二分秋鏡中消

散女史廣陵人鈿徽瑩作珍珠淚合借冰絲成串無計遣得

黃昏星戶長垂羅幔念沈郎腰瘦腸斷處知誰見圖爲沈竹

齋茂才感逝之作

齊天樂題關秋英女史鍊波光紀游詞卷次山陰女史素佩芬雲韻

蒼崖落盡松華雨秋痕乍添幽草暗水鳴琴叢篁戛玉

石磴隨煙盤繞橫空雁早正墜葉驚寒大江浮曉游戲

飛瓊佩環聲在碧雲杪仙人煉丹去矣澗薪誰束取

閒煮茶竈世事鴻毛天風鶴背未許青絲催老斜陽下

了看海月磨銅畫闌飛到一磬空山夜涼塵夢埽

清平樂

園林早春

雪晴煙霽曉鳥聲催起畫閣文窗幽夢細一月梅花香  
裏嫩寒庭院沈沈只宜中酒微吟再兩三番風信柳  
絲便做春陰

齊天樂

丁篠泉司馬嘉藻招集江上花爲四壁之  
舟卽事倚聲

好山宛轉圍明鏡天生畫船煙浦小鳳嬌  
嬌鳳修蛾嫵媚嫵眉已解微波通語江流萬古儘打疊情漪送人  
朝暮醉倚歌紈豔懷幽思兩無主蹉跎年少過卻座  
中司馬淚應其酸楚鬢黛籠蟬鬟花顰蝶偏向尊前飛  
舞癡魂一去縷願化作秋蘭伴伊釵股破格閒愁夕陽  
來畫取



長亭怨慢

題王伴石景會感舊圖

莫再問蘇臺眉嫵自過江來便成飛絮病雨曉煙斷魂  
空仗繡旂護東風做美反送了春歸去多事杜鵑聲尙  
戀戀永豐坊樹前度記嬋娟恩重贏得目成心許明  
珠轉贈恁翻被紅絲耽誤便是接葉移花料不定送  
君黃土玉佩泣湘皋應悔微波通語

燭影搖紅

題徐秋宇孝廉錦華黃葉秋鐙歸思圖

日落燕臺亂鴉曉近黃昏候不多庭樹弄秋聲聽得人  
消瘦寒到霜前雁後忍思量江南病柳時以婦憂畫屏孤  
倚一穗心焦化成紅豆曾記聯牀夜闌愁語同搔首

壬子秋予與秋宇同  
寓都門宣南坊邸

九達煙月總相思閒醉銷魂酒酒

醒無聊依舊爲離人疏更偏久未堪重憶帳曉鑪溫蠟  
殘珠溜

減蘭

題秦次游巾翰光第室人楊藥生女史貞淑  
畫蘭遺扇

畫眉殘墨寫出瀟湘秋影碧一種愁根纔到人間便斷  
魂秦嘉帷帳明鏡寶釵成夢想香草纏絲合借哀蟬  
語楚絃

秋霽

題丁藍叔茂才文蔚蘭亭秋禊圖

山淨雲空正爽籟吹涼送了蟬翼石磴張琴筍興攜酒  
高秋最宜游歷醉紅絢壁茂林已帶胭脂色待曳履尋  
取晉時觴詠舊吟席畱戀暢敘水竹依然會稽山陰  
都是陳迹暮春天西風換卻六朝煙樹賸寒碧良會定

須名士筆事往如夢還問我輩登臨後人懷想可如今

日

百字令

題何子安廣文汝收日邊紅杏圖

東風九陌記輕塵一騎看花前度帽影鞭絲斜照裏舊  
夢幾回飛絮碧杜銷魂叢蘭寫怨四月江南路先生歸  
也種成桃李如許笑我六上燕臺殘紅馬足冉冉催  
遲暮綠葉成陰芳事老忍憶宋郎詞句補屋牽蘿閉門  
鋤菜且作園林主小樓銀燭待君同聽春雨

前調

秀州十三齡女子許子琴以拆字謀生機鋒敏捷偶與同人過訪卽以姓名三字效拆字

體賦之

十三年

十

紀仗今

今

生智

口

慧學

子

成書

數敏

絕詞

言鋒偏了了信言口機關參悟日點玉王無瑕王輪

金人待聘仔子細珠王娘妒碧王山春遠日翠眉才解

通語言堪歎塵世浮子雲因風變言幻好了事口成

耽誤言寂寞闌干空倚徧自惜美人人遲暮楚瑟王

絃愁胡口琵琶彈恨空向口飛瓊王訴言無言言撇去

海人榴花放端午午

清平樂

題姚棣伯梅花仔渭長美人台作

月高煙凍乍醒羅浮夢紙帳空明塵不動畱得被池香

重隔牆疏影橫斜淡粧合伴梅花欲識飛瓊姓氏還

尋種玉人家

百字令

陳子餘大令寶善得銅鑪於吳市乃其亡婦張孺人匱物也先是賊陷金陵孺人仰

蘇子餘孽幼子走免至是故劍重逢益深悲愴  
因繡香火因緣圖徵題

珠還無恙記當年曾伴繡薰琴柱銅馬烽煙銷不得翻  
借雷霆陶鑄火烈生前灰寒劫後故劍終歸主縈回心  
篆此香不滅千古堪歎玉樹飄零金蓮狼藉一例成  
塵土鐵甕猶焦完壁在中有精靈呵護夢去難尋魂招  
可返往事真雲霧蘅蕪重熱珊珊應見微步

惜餘春慢

江船嬌鳳若以色藝名嘗見脅於沙叱利某廉使實保護之既而鳳歸太邱公

子廉使爲賦歸鳳曲索題其卷

怯膽驚秋魔塵悸夜全借牖鈴遮護魂畱峽蝶社待鴛  
鴦好事病中過去誰信芙蓉路遙短楫煙波未能同住  
幸春生桃葉不會飄泊恨花愁絮休再憶酒後嘔痕

曲中哀怨總是牽人心處有情一往無翼雙飛忍聽畫  
眉聲苦猶喜東山謝公粉黛蒼生一般霖雨願吹簫庭  
院碧梧棲穩恨天長補

南浦

再題江上峯青畫卷

晚天如鏡看煙巒千疊蹙離愁依舊烏篷碧檻可是那  
時秋不見凌波鬟影但微雲濁月照嚴州悵蘆花寒峭  
蘋花思遠惟有夢勾留還憶桐君山下弄鷗絃低顫  
玉搔頭自歎紅塵墮落悔不侶閒鷗僥倖吹簫去也畫  
眉聲何處曉粧樓賸荒灘七里情漪萬丈曲折遶船流

百字令

陳龍嚴州牧張以周七首揭本附漢刻曹  
沫專諸聶政荆卿豫讓五俠像彙裝長卷

案予倚聲爲填此解

神芒吐匣借殘燈一燄電蛇飛掣照耀龍門游俠傳引  
得精靈俱活熱飲讐顙寒銷鬼膽五步須流血休論成  
敗壯心終古難滅敢笑劍術麤疏許身知己生死從  
容決大纛高牙偏縱寇慙愧戈矛如雪國士酬恩匹夫  
慕義止此肝腸鐵摩挲三歎四方誰是英傑

浪淘沙

龍巖得馬守真玉印屬題小令

白玉篆銀絲兩字珠璣芳名畱與後人知斗大黃金磨  
滅盡不鑄相思押尾帶胭脂蘭草差差風流豪俠想  
傑期名士傾城偏印合惜未同時

南浦

題龍巖湖上齋繪圖

兩隄晴翠載琴書閒訪白鷗鄰睡起青山一笑如待冶

游人難得承平年少便文章詩酒也精神借微波寫夢  
斜陽繪影高臥枕谿雲彈指恩恩桑海恁西來鼙鼓  
動邊塵賸有薜蘿怨綠冷畫戰場春我欲登臨憑弔怕  
樓臺花月總銷魂問湖橋細柳嘯煙泣雨何日解眉顰

滿江紅

題施庭午茂才

杞憂草

半壁江山問誰救生靈焚溺歎當局議防議戰總無全  
策徵調可憐財賦盡流離但覺乾坤仄十餘年格鬪未  
曾休翻多賊軍綈匱還侵蝕兵士悍爭剽劫任東南  
千里縱橫狼狽杜牧罪言何處土賈生熱淚從旁滴借  
書生歌哭叩蒼天天應惻

高陽臺

孫權伯大令憲以其先人子和先生義鈞  
所繪吳門清蔭禪院延秋雅集圖遺卷索



題

借酒尋歡攜筇選勝煙波自結鷗盟梵宇塵空苔痕略  
埽閒庭疏華點染清涼界悟詩禪鼻觀香生好光陰文  
讌流連想像承平而今莫說南朝寺歎江山半壁地  
棘天荆耆舊風流惟餘劫後丹青是卷於兵火之後得之杭州市肆蘇  
臺鹿走無人問怕傷時佛淚先零任蕭蕭萬葉梧桐做  
盡秋聲

齊天樂

題龍岳臨清殺賊圖咸豐甲寅三月初七夜事

蔡州風雪崑崙月奇功半出昏夜閒道銜枚乘虛破竹  
旂鼓真從天下縱橫陣馬勝百騎穿營錦帆興霸時以  
健兒夜劫賊營力洗妖腥大河奔浪勢傾瀉東南數  
敗其眾數萬

年格鬪劫灰猶未淨搔首嗟訝白骨雲屯黃金土擲安  
得江山清暇公眞健者使十萬么麼望塵驚怕特將紛  
紛戰勳誰繼也

高陽臺

高次愚上舍中不守抗城被圍

索題梅窗讀畫圖時越

玉碎疏簾茶盞小閣東風才逗橫枝雪海無塵生綃雅  
稱題詩香吹紙墨人俱韻賦游仙高臥偏宜但依依夢  
裏江南費盡相思吳山越水登臨地歎畫中泉石虜  
騎紛紛粉本倪黃可憐風景都非傷心世界君休問看  
煙雲起滅移時怕遲遲春到孤山鶴瘦難支

惜餘春慢

倚晴樓下手裁日月桃數本花時集同人燕賞鎬土爲花寫照坐客朱尙齋太

守朶山綸諫吳彥宜茂才陳湘漁上舍各有題詠一時和者甚夥今樓與畫俱歸劫火尙翁彥宜湘

漁先後下世采山游秦中予與鐵士避亂楚北客  
裏良辰追憶故園春色索鐵士補寫桃花並題此  
解

傳粉臨妝凝脂扶醉上巳初晴時序嫣然欲笑澹不勝  
情如對玉人三五曾記惜惜畫廊把酒看伊燕憎鶯妬  
怕匆匆開落傳神摹豔要春畱住誰信道愁入芙蓉  
芒生荆棘一霎催花風雨樓臺泡影翰墨滄桑忍憶那  
回尊俎不是天台夢游自出山來恁時歸去問仙源幾  
大總難忘卻畫圖重補

高陽臺

蘇小小像爲如冠九觀察題

笑頰紅歛娟眉黛遠天然畫裏真真豔迹依稀難忘泊  
碧車塵東風蝴蝶憐芳草尙思量往日羅裙段橋邊楚

楚垂楊可是前身也舊游每憶西泠路訪埋香小塚一  
奠清尊我輩情多悠悠隔世傷神落花滿地滄桑淚料  
靡蕪也化愁根待何時劫盡春回重與招魂

聲聲慢

題姜曉泉墳聽秋仕女圖

露滴松釵煙蘇石髮深深庭院良宵有約吟秋嬋娟大  
小雙喬粧樓乍過新雁語西風羅帶涼飄虛籟警正蛩  
簾夢墮麝炷心焦還問聲來何處恁無情偏感似醉  
難銷人自工愁非關梧葉芭蕉冰絲夜長慢理借商音  
閒譜離騷幽思遠望青天銀漢影高

倚晴樓詩餘卷四終

錢塘宗景藩子城校梓